



Pravni fakultet Univerziteta „Džemal Bijedić“ u Mostaru u sklopu obilježavanja

„50 godina postojanja i rada Pravnog fakulteta“

organizuje

Drugu međunarodnu naučnu konferenciju

„Izazovi i perspektive krivičnog zakonodavstva i pravosuđa“

Mostar, 25. april 2026. godine

Svrha Konferencije:

Osnovni cilj naučne konferencije je predočiti krivično – pravne barijere i predložiti konkretne prijedloge i optimalna rješenja koja će doprinijeti približavanju Bosne i Hercegovine (BiH) Evropskoj uniji (EU), odnosno harmonizaciji bosanskohercegovačkog krivičnog zakonodavstva sa krivičnim zakonodavstvima Evropske unije.

Proces evropskih integracija zahtijeva sveobuhvatno prilagođavanje politika, institucionalnog okvira i pravnog sistema s ciljem dostizanja evropskih standarda u svim oblastima. Postoje velike razlike u nivou razvijenosti pojedinih zemalja koje su uključene u integrativne procese. Integrisanje u Evropsku uniju znači zauzimanje odgovarajućeg mjesta u evropskoj porodici demokratskih zemalja. Na tom putu i krivično pravo ima svoju veoma značajnu ulogu.

Sintagma „pridruživanje Bosne i Hercegovine u Evropsku uniju“ u sebi sadrži napredak, nadu u bolju budućnost. Prosperitet, ali i pitanja „kako?“, „šta?“, „gdje?“, itd. Shodno navedenom, u svjetlu potrebe za internacionalizacijom i evropeizacijom krivičnog prava u BiH, posebno u svjetlu obaveze BiH da poštuje i provodi određene međunarodne standarde te činjenice da pred BiH stoji potencijalno članstvo u Evropskoj uniji, sistem krivičnog pravosuđa se mora gledati u kontekstu širem od državnih granica. Napominjemo da je EU 2022. godine dodijelila BiH status kandidata kao korak u procesu pristupanja EU, odnosno 21. 3. 2024. godine otvoreni su pristupni pregovori sa BiH. Ovaj proces će zahtijevati daljnje usklađivanje domaćeg prava, uključujući i krivično zakonodavstvo, sa pravnom stečevinom EU (*acquis communautaire*).

U kontekstu prethodno navedenog, Konferencija će biti odlična prilika za analizu trenutnih izazova i identificiranje potencijalnih budućih koraka. Konferencija bi trebala polučiti rezultatima koji će biti od značaja za identifikaciju oblasti koje zahtijevaju daljnje unapređenje ili reformu, a sve u cilju osiguravanja efikasnog i efektivnog procesuiranja složenih krivičnih djela, s jedne strane, i zaštite osnovnih prava i sloboda, s druge strane, u isto vrijeme poštujući osnovne standarde nezavisnosti, nepristrasnosti i profesionalnosti.

Prihvaćeni radovi će biti objavljeni u tematskom broju Godišnjaka Pravnog fakulteta Univerziteta „Džemal Bijedić“ u Mostaru, koji je uvršten u EBSCO bazu podataka (EBSCO Publishing – Business Source Complete (Journal & Magazines)).

Tematska područja

Centralna tema ovogodišnje međunarodne konferencije iz oblasti krivičnog i krivičnog procesnog prava je: **„Izazovi krivičnog zakonodavstva i pravosuđa u Bosni i Hercegovini – Evropska perspektiva“.**

Podteme:

- Bosanskohercegovačko krivično zakonodavstvo – izazovi na putu integracije u EU
- Evropsko krivično pravo – historijski razvoj, izazovi i perspektive
- Proces tranzicijske pravde u BiH
- Sigurnosni izazovi i migracije
- Međunarodna trgovina ljudima
- Međunarodna krivičnopravna saradnja
- Restorativna pravda
- Implementacija standarda Evropskog suda za ljudska prava u bosanskohercegovačkoj sudskoj praksi
- Harmonizacija bosanskohercegovačkog krivičnog zakonodavstva sa zakonodavstvom Evropske unije
- Rodna ravnopravnost
- Prevencija nasilja u porodici sa posebnim akcentom na femicid
- Upotreba moderne tehnologije u krivičnom pravu
- Etika u pravosuđu
- Izazovi prekršajnog prava u BiH – evropska perspektiva
- Krićka analiza stanja i tendencija u krivičnom izvršnom pravu u BiH
- Otkrivanje i dokazivanje koruptivnih krivićnih djela – BiH i međunarodna iskustva
- Borba protiv transnacionalnog kriminala
- Organizirani kriminal

Vrijeme i mjesto održavanja

Vrijeme održavanja: 25. april 2026.

Mjesto održavanja: Mostar, Pravni fakultet Univerziteta „Džemal Bijedić“ u Mostaru

Rokovi za dostavljanje sažetaka i kompletnih radova

- Prijava sažetka:30. 9. 2025.
- Obavijest o prihvatanju sažetka:10. 10. 2025.
- Prijava kompletnog rada:23. 11. 2025.

Sažetak i radovi se dostavljaju putem maila: konferencija.kp@unmo.ba

Troškove smještaja tokom trajanja Konferencije za referente snose organizatori. Putne troškove snose referenti.

Mostar, 5 .9. 2025. godine

Organizacioni odbor